



KOMUNIKADU IMPRESA

Dili, loron 26 Maiu 2017

Banco Central de Timor-Leste (BCTL) hato'o avizu ne'e ba komidade hothotu atu kuidadu ho atividade ne'ebé mak hala'o husi individuu ka kompañia sira liuhusi oferese eskema investimentu iha Timor-Leste maibe atividade refere **seidauk hetan lisensa/ autorizasaun** husi Autoridade relevante iha Timor-Leste. Atividade **mak seidauk hetan lisensa/ autorizasaun** bele rezulta lakon osan no kontra Lei no-mós Reglamentu sira maka aplika iha Timor-Leste.

Haktuir informasaun no faktus ne'ebé mak iha, BCTL nota katak iha individu balu organiza hela atividade oferta eskema investimentu uza naran kompañia **Talk Fusion** nian iha Timor-Leste ne'ebé seidauk iha autorizasaun husi autoridade relevante iha Timor-Leste.

Atu fó protesaun másimu ba interese públiku, BCTL haktuir kompetensia iha artigu 5.j) no artigu 31 Lei № 5/2011 Juñu 15, kona-ba Lei Orgâniku Banku Sentrál Timor-Leste nian (BCTL) ne'ebé fô responsável eskuzivu ba BCTL hodi regula, lisensa, rejistu no supervizaun ba atividade finanseiru hothotu iha Timor-Leste, hasai ona notifikasaun ba individuu sira ne'ebé mak organiza hela atividade **Talk Fusion** iha Timor-Leste hodi hapara sira ninian atividade to'o tempu wainhira hetan lisensa no autorizasaun husi autoridade relevante iha Timor-Leste.

Ho nu'uné BCTL alerta ba públiku tomak hodi labele investe osan iha kompañia ne'ebé maka seidauk hetan autorizasaun. Ba públiku sira hotu atu proteje ita bo'ot sira nia interese, husu atu kuidadu, haree, no verifika didiak individuu ka kompañia ne'ebé hakbesik aan ba Ita-Bo'ot no promete oiain hodi husu Ita-Bo'ot sira atu rai osan/depóztu ka investe Ita-Bo'ot sira nian osan.

Wainhira hakarak investe osan, Ita-Bo'ot sira tenki buka hatene tuir katak individuu ka kompañia ne'ebé oferese eskema investimentu hetan ona lisensa ka autorizasaun husi BCTL ka autoridade relevante seluk no rejistu ona sira ninian negósiu iha SERVE ka lae.

Karik presija informasaun adisionál favór bele kontaktu mai **Divisaun Lisensiamentu no Regulasaun (DLR)**, BCTL nian liu hosi número telemovél +670 77230971, 331 3718 ext.113 iha oras serbisu nian (Segunda to'o Sesta) ou liu husi email: dsflicensing@bancocentral.tl

Dili, loron 26 Maiu tinan 2017


Departamentu Supervizaun Sistema Financeira
Banco Central de Timor-Leste

